



PANDUAN BERHARI RAYA

EIDUL ADHA KETIKA PANDEMIK



alkhaadem

PANDUAN EIDUL ADHA KETIKA PANDEMIK

Menyambut Hari Raya adalah satu tuntutan ke atas Umat Islam kerana ia termasuk dari membesarkan syiar Allah, seperti yang difirmankan oleh Allah:

ذَلِكَ وَمَنْ يُعِظْ شَعَيْرَ اللَّهِ فَإِنَّهَا مِنْ تَقْوَى الْقُلُوبِ ﴿٣٢﴾

“Demikianlah (ajaran Allah); dan sesiapa yang menghormati Syiar-syiar agama Allah maka (dia lah orang yang bertaqwa) kerana sesungguhnya perbuatan itu satu kesan dari sifat-sifat taqwa hati orang mukmin.” [Surah Al-Hajj, 22 : 32]

Namun kerana kekangan keadaan terhadap kita yang berpunca dari penyebaran wabak penyakit, telah menjadi buntu terhadap sebilangan besar masyarakat, bagaimana mereka masih boleh terus meraikan Hari Raya seperti yang dikehendaki oleh Allah ﷻ.

Alhamdulillah, Al-Khaadem telah menyusun risalah ini bagi tatapan sidang pembaca yang budiman. InsyaAllah, ianya dapat menjadi satu panduan ringkas menyambut Hari Raya mengikut Sunnah Nabi ﷺ di dalam kebiasaan baharu yang kita sedang hadapi. Semoga ia dapat membantu setiap insan mengisi tuntutan berhari raya dengan ilmu yang sahih dan yakin yang jauh dari keraguan.

BEBERAPA SUNNAH BERKAITAN EIDUL ADHA

1 Orang Yang Berkorban

Sesiapa yang ingin berkorban disunatkan untuk tidak memotong dan menggunting rambut, bulu dan kuku sehinggalah dia selesai berkorban.

عَنْ أُمِّ سَلَمَةَ، أَنَّ النَّبِيَّ صَلَّى اللَّهُ عَلَيْهِ وَسَلَّمَ قَالَ : إِذَا
رَأَيْتُمْ هِلَالَ ذِي الْحِجَّةِ، وَأَرَادَ أَحَدُكُمْ أَنْ يُضَحِّيَ،
فَلْيُمْسِكْ عَن شَعْرِهِ وَأَظْفَارِهِ

Daripada Ummi Salamah, bahawa Nabi ﷺ telah bersabda: “Apabila kalian terlihat anak bulan Dzulhijah, dan inginkan seseorang kalian untuk berkorban, maka hendaklah dia menahan dari [memotong] rambutnya dan kukunya.” [Sahih Muslim no. 1977].

2 Bertakbir

Allah memerintahkan kita untuk bertakbir mengagungkan-Nya pada hari-hari awal Dzulhijah; terutama pada Hari Arafah, Hari Eidul Adha dan Hari-hari Tasyriq:

وَأذْكُرُوا اللَّهَ فِي أَيَّامٍ مَّعْدُودَاتٍ^ج

“Dan sebutlah kamu akan Allah (dengan takbir) dalam beberapa hari yang tertentu bilangannya.”

[Al-Baqarah, 2 : 203]

Waktu
takbir

Untuk Eidul Adha, takbir raya bermula dari masuk **Fajar Hari Arafah (9 Dzulhijjah)** sehingga **Asar hari terakhir Hari-hari Tasyriq (13 Dzulhijjah)** [Sunan Al-Baihaqi no. 6496]

Lafaz
takbir

اللَّهُ أَكْبَرُ اللَّهُ أَكْبَرُ، لَا إِلَهَ إِلَّا اللَّهُ وَاللَّهُ أَكْبَرُ
اللَّهُ أَكْبَرُ وَلِلَّهِ الْحَمْدُ

Allah Maha Besar! Allah Maha Besar! Tiada tuhan selain Allah! Dan Allah Maha Besar! Allah Maha Besar! Segala puji milik Allah! [Sunan Ad-Darqutni no. 1737]

Lafaz takbir boleh dilafazkan beramai-ramai tanpa perlu sesiapa dijadikan sebagai tekong untuk bertakbir.

3

Membersihkan Diri & Memakai Pakaian Yang Cantik Untuk Solat Hari Raya

- Mandi Sunnat Hari Raya. [Ijmak]
- Memakai pakaian yang cantik. [Sahih Al-Bukhari no. 948]
- Memakai wangian (bagi lelaki). [Musannaf Abdur Razzaq no. 5752]

4

Solat Hari Raya & Khutbah

- Kerana larangan berhimpun bagi mengelakkan penyebaran penyakit:
 - Tempat solat Hari Raya boleh dilakukan di rumah masing-masing
 - Jumlah yang hadir memadai dengan sesiapa yang berada di rumah masing-masing, dengan syarat terdapat 3 lelaki dewasa.

- Solat sunat Hari Raya, dua rakaat dan caranya seperti berikut:
 - Solat Hari Raya tiada azan dan iqamah
 - Bertakbir tujuh kali termasuk takbiratulihram dan doa iftitah pada rakaat yang pertama, dan bertakbir lima kali sesudah takbir bangkit untuk rakaat yang kedua. [Sunan Abi Daud no. 1149]
 - Membaca sesudah Istiazah dan Al-Fatihah, dalam rakaat pertama dengan surah Al-Aa'la manakala dalam rakaat kedua dengan surah Al-Ghasiyah. [Sahih Muslim no. 878] atau surah Qaf dalam rakaat pertama dan surah Al-Qamar dalam rakaat kedua. [Sahih Muslim no. 891]
 - Jika surah-surah berkenaan tidak dihafal oleh yang menjadi imam, dia boleh membaca apa sahaja surah yang mudah baginya. [Sunan Abi Daud no. 857]

Selepas solat imam terus akan naik ke mimbar untuk berkhotbah.

- Kaifiat Berkhotbah Pada Hari Raya
 - Bertakbir sebanyak 9 kali selepas memberi salam.
 - Memuji Allah.
 - Berselawat ke atas Rasulullah ﷺ.
 - Mengingatkan hadirin agar bertaqwa.
 - Memberikan pesanan berhari raya.
 - Duduk istirehat untuk seketika.
 - Bertakbir sebanyak 7 kali.
 - Memuji Allah.
 - Selawat ke atas Rasulullah ﷺ.
 - Sambung sedikit pesanan.
 - Mendoakan keampunan untuk orang-orang beriman.
 - Memberi pesanan terakhir.

5 Menyembelih Korban

- Penyembelihan korban mestilah selepas solat Eidul Adha (bagi sesiapa yang berada di kawasan yang dilaksanakan solat sunat Eidul Adha) atau selepas satu kadar waktu yang cukup untuk solat dua rakaat dan dua khutbah (bagi sesiapa yang berada di kawasan yang tidak dilakukan solat sunat Eidul Adha). [Sahih Muslim no. 1961]
- Disunatkan orang yang berkorban menyembelih sendiri korbannya dengan menyebut basmalah, bertakbir dan melafazkan seperti yang dilafazkan oleh Rasulullah ﷺ [Sahih Al-Bukhari no. 5565 dan Sahih Muslim 1967].

Sebagai contoh, jika nama orang yang berkorban adalah Ali, ketika menyembelih dia harus berkata:

بِسْمِ اللَّهِ ، وَاللَّهُ أَكْبَرُ ، اللَّهُمَّ هَذَا مِنْكَ وَلكَ ، هَذَا عَنِّي
اللَّهُمَّ تَقَبَّلْ مِنْ عَلِيٍّ وَآلِ عَلِيٍّ

Dengan nama Allah! Allah Maha Besar! Ya Allah! Ini adalah dari-Mu dan kepada-Mu! Ini bagi pihakku! Ya Allah! Terimalah daripada Ali dan keluarga Ali!

- Sekiranya penyembelihan korban tidak dapat dilakukan sendiri, orang yang berkorban boleh mewakili orang lain atau mengirimkan korban untuk disembelih dan disedekahkan di luar dari negerinya. [Sahih Muslim no. 362]

6 Pengagihan Daging Korban

- Digalakkan untuk orang yang berkorban:
 - Memakan dari binatang korbannya,
 - Menghadihkan kepada kaum kerabat, jiran tetangga dan sahabat handai,
 - Bersedekah kepada faqir dan miskin. [Al-Hajj : 28 dan 36]
- Dibolehkan untuk orang yang berkorban menyimpan daging korban selama mana yang dia sukai. [Sahih Al-Bukhari no. 5569]
- Tiada halangan untuk diberikan daging korban kepada mereka yang orang belum Islam dari kalangan saudara mara atau jiran tetangga atau sahabat handai kerana Udhiyah adalah sedekah sukarela bukan sedekah wajib seperti Zakat. [Al Mumtahanah:8] dan [Sunan At-Tirmidzi no. 1943]

7 Perkara Yang Harus Dijauhi Ketika Berhari Raya

- Menziarahi kubur, kerana ia akan membaharui kesedihan, sedangkan Hari Raya adalah: Hari membesarkan dan mengagungkan Allah.
- Dandanan dan berhias yang tidak mengikut Syarak seperti:
 - Mencukur janggut bagi lelaki.
 - Memakai pakaian yang mendedahkan atau menzahirkan aurat.
 - Hiasan melampau pada wajah.
- Berjabat tangan antara lelaki dan wanita yang tidak halal bersentuhan.
- Pembaziran harta dalam penyediaan makanan, hiasan rumah dan permainan seperti mercun dan bunga api.

- Menghabiskan waktu dengan hiburan yang haram atau syubhah seperti:
 - Menonton filem dan hiburan yang tidak halal.
 - Bermain permainan yang menyerupai judi, walau tiada pertaruhan.
 - Bermain permainan video konsol atau atas talian.
- Menghantar gambar-gambar dalam keadaan berhias (bagi wanita), atau tidak sopan ke media-media sosial.

8 Mengucapkan Tahniah Dan Mendoakan Sesama Muslim

Walaupun amalan kunjung-mengunjungi sesama kita tidak dapat dilakukan ketika perintah berkurung, melalui teknologi masa kini, kita masih boleh berhubung dengan saudara-mara dan sahabat-handai untuk mengucapkan tahniah dan mendoakan agar amalan kita semasa 10 hari awal Dzulhijjah ini diterima oleh Allah.

تَقَبَّلَ اللَّهُ مِنَّا وَمِنْكُمْ

Semoga Allah terima daripada kami dan daripada kalian
[Syuab Al-Iman Al-Baihaqi no. 3446]

أَمَّا بَعْدُ : فَإِنَّ خَيْرَ الْكَلَامِ كَلَامُ اللَّهِ تَعَالَى وَخَيْرَ الْهَدْيِ هَدْيُ مُحَمَّدٍ صَلَّى اللَّهُ عَلَيْهِ وَسَلَّمَ وَشَرُّ الْأُمُورِ مُحَدَّثَاتُهَا وَكُلُّ مُحَدَّثَةٍ بِدْعَةٌ وَكُلُّ بِدْعَةٍ ضَلَالَةٌ وَكُلُّ ضَلَالَةٍ فِي النَّارِ

Amma ba'du.

“Adapun selanjutnya sebaik baik perkataan adalah Kitabullah, sebaik baik petunjuk adalah petunjuk Muhammad hati-hatilah kalian dengan perkara baru, kerana setiap perkara baru adalah bid'ah, dan setiap bid'ah adalah kesesatan dan setiap kesesatan tempatnya di neraka”
(reported by Muslim, no. 867)

Saya berpesan kepada diri saya dan yang hadir agar kita bertakwa kepada Allah dengan mengikuti segala perintah-Nya dan dengan meninggalkan segala larangannya.

Sidang hadirin yang dimuliakan oleh Allah!

Allah ﷻ menciptakan kita dengan tujuan dan matlamat, dan antara matlamat penciptaan kita adalah untuk ujian dan dugaan yang Dia telah aturkan untuk kita. Firman Allah:

الَّذِي خَلَقَ الْمَوْتَ وَالْحَيَاةَ لِيَبْلُوَكُمْ أَيُّكُمْ أَحْسَنُ عَمَلًا
وَهُوَ الْعَزِيزُ الْغَفُورُ

“Dia lah yang telah mentakdirkan adanya mati dan hidup (kamu) - untuk menguji dan menzahirkan keadaan kamu: siapakah di antara kamu yang lebih baik amalnya; dan Ia Maha Kuasa (membalas amal kamu), lagi Maha Pengampun, (bagi orang-orang yang bertaubat)” [Al-Mulk, 67 : 2]

Bahkan seluruh Langit dan Bumi diciptakan untuk Dia menguji dan menduga kita semua. Firman Allah ﷻ:

وَهُوَ الَّذِي خَلَقَ السَّمَوَاتِ وَالْأَرْضَ فِي سِتَّةِ أَيَّامٍ وَكَانَ
عَرْشُهُ عَلَى الْمَاءِ لِيَبْلُوكُمْ أَيُّكُمْ أَحْسَنُ عَمَلًا

“Dan Dialah yang menjadikan seluruh langit dan bumi dalam enam hari, sedang ”Arasy-Nya, berada di atas air (Dia menjadikan semuanya itu) untuk menguji kamu: siapakah di antara kamu yang lebih baik amalnya.”
[Hud, 11 : 7]

Dengan ujian dan dugaan akan diketahui siapa yang benar dalam beriman dan siapa yang berpura-pura dalam keimanannya. Firman Allah:

الْم ۝ أَحْسِبَ النَّاسُ أَنْ يُتْرَكُوا أَنْ يَقُولُوا ءَامَنَّا وَهُمْ لَا
يُفْتَنُونَ ۝ وَلَقَدْ فَتَنَّا الَّذِينَ مِنْ قَبْلِهِمْ ۖ فَلْيَعْلَمَنَّ اللَّهُ
الَّذِينَ صَدَقُوا وَلْيَعْلَمَنَّ الْكٰذِبِينَ ۝

“Alif, Laam, Miim. Patutkah manusia menyangka bahawa mereka akan dibiarkan dengan hanya berkata: ”Kami beriman”, sedang mereka tidak diuji (dengan sesuatu cubaan)? Dan demi sesungguhnya! Kami telah menguji orang-orang yang terdahulu daripada mereka, maka (dengan ujian yang demikian), nyata apa yang diketahui Allah tentang orang-orang yang sebenar-benarnya beriman, dan nyata pula apa yang diketahuinya tentang orang-orang yang berdusta.”[Al-'Ankabut, 29 : 1 - 3]

Sidang hadirin yang dimuliakan oleh Allah!

Dengan ujian dan dugaan, Allah ﷻ akan membawa kembali hamba-hamba-Nya yang Dia kasihi ke jalan yang Dia redhai dan rahmati. Firman Allah:

وَبَلَوْنَهُمْ بِالْحَسَنَاتِ وَالسَّيِّئَاتِ لَعَلَّهُمْ يَرْجِعُونَ ﴿١٦٨﴾

“Dan kami uji mereka dengan nikmat pemberian yang baik-baik dan bala bencana yang buruk, supaya mereka kembali (bertaubat).”

[Al-A'raf, 7 : 168]

Dengan ujian dan cubaan, manusia akan kembali menyadari tentang realiti kehidupan mereka di Dunia ini dan barangkali akan bertaubat kepada Tuhan mereka; Allah. Dia Yang Maha Agung berfirman:

وَلَنُذِيقَنَّهُمْ مِنَ الْعَذَابِ الْأَدْنَىٰ دُونَ الْعَذَابِ الْأَكْبَرِ
لَعَلَّهُمْ يَرْجِعُونَ ﴿١٦٨﴾

“Dan kami uji mereka dengan nikmat pemberian yang baik-baik dan bala bencana yang buruk, supaya mereka kembali (bertaubat).”

[As-Sajdah, 32 : 21]

Semoga Allah berkati untuk saya dan kalian pada Al-Quran Al-Azim, dan semoga Dia manfaatkan saya dan kalian dengan apa di dalamnya dari peringatan yang bijaksana, dan semoga Dia terima dari saya dan kalian pembacaannya, sesungguhnya Dia Maha Mendengar lagi Maha Mengetahui.

Saya katakan apa yang kalian telah dengar, dan saya meminta ampun untuk diri saya dan diri kalian, dan untuk semua orang Islam lelaki dan orang Islam wanita, orang beriman lelaki dan orang beriman wanita, yang hidup di kalangan mereka dan yang telah mati. Minta ampunlah kepada-Nya! Sesungguhnya Dia Maha Pengampun lagi Maha Penyayang.

[Duduk]

“Sesungguhnya besar ganjaran adalah bersama besar ujian, dan Allah apabila Dia menyayangi sesuatu kaum, dia pasti menguji mereka. Sesiapa yang redha, maka untuknya keredaan, dan sesiapa yang marah, maka untuknya kemarahan.” [Sunan At-Tirmidzi no. 2396]

Ganjaran yang diperoleh oleh orang-orang yang diuji dan dicuba oleh Allah akan menjadi punca peningkatan darjat mereka di Syurga kelak. Sabda Rasulullah ﷺ :

يُودُّ أَهْلُ الْعَافِيَةِ يَوْمَ الْقِيَامَةِ حِينَ يُعْطَى أَهْلُ الْبَلَاءِ الثَّوَابَ
لَوْ أَنَّ جُلُودَهُمْ كَانَتْ قُرْصَتْ فِي الدُّنْيَا بِالْمَقَارِيضِ

“Akan menginginkan ahli keafiatan, pada Hari Kiamat, ketika diberikan ahli ujian akan ganjaran, kalaulah kulit-kulit mereka dahulu digunting di dunia dengan gunting-gunting.” [Sunan At-Tirmidzi no. 2402]

Sidang hadirin yang dimulihkan oleh Allah!

Tetapi semua itu mestilah dengan syarat, orang yang diuji itu bersabar dan tidak keluh kesah dengan ujian yang dijalankan oleh Allah ke atasnya. Firman Allah ﷻ :

وَلَنَبْلُوَنَّكُمْ بِشَيْءٍ مِّنَ الْخَوْفِ وَالْجُوعِ وَنَقْصٍ مِّنَ الْأَمْوَالِ
وَالْأَنْفُسِ وَالْثَّمَرَاتِ ^{قَلِيلًا} وَبَشِيرِ الصَّابِرِينَ ﴿١٥٥﴾ الَّذِينَ إِذَا أَصَابَتْهُمُ
مُّصِيبَةٌ قَالُوا إِنَّا لِلَّهِ وَإِنَّا إِلَيْهِ رَاجِعُونَ ﴿١٥٦﴾ أُولَئِكَ عَلَيْهِمْ
صَلَوَاتٌ مِّن رَّبِّهِمْ وَرَحْمَةٌ ^{صَلَاةً} وَأُولَئِكَ هُمُ الْمُهْتَدُونَ ﴿١٥٧﴾

“Demi sesungguhnya! Kami akan menguji kamu dengan sedikit perasaan takut (kepada musuh) dan (dengan merasai) kelaparan, dan (dengan berlakunya) kekurangan dari harta benda dan jiwa serta hasil tanaman. Dan berilah khabar gembira kepada orang-orang yang sabar: (laitu) orang-orang yang apabila mereka ditimpa oleh sesuatu kesusahan, mereka berkata: “Sesungguhnya kami adalah kepunyaan Allah dan kepada Allah jualah kami kembali.” Mereka itu ialah orang-orang yang dilimpahi dengan berbagai-bagai kebaikan dari Tuhan mereka serta rahmatNya; dan mereka itulah orang-orang yang dapat petunjuk hidayahNya.” [Al-Baqarah, 2 : 155 - 157]

فَإِنَّ مَعَ الْعُسْرِ يُسْرًا ﴿٥﴾ إِنَّ مَعَ الْعُسْرِ يُسْرًا ﴿٦﴾

“Oleh itu, maka (tetapkanlah kepercayaanmu) bahawa sesungguhnya tiap-tiap kesukaran disertai kemudahan, (Sekali lagi ditegaskan): bahawa sesungguhnya tiap-tiap kesukaran disertai kemudahan.” [Ash-Sharh, 94 : 5 - 6]

إِنَّ اللَّهَ وَمَلَائِكَتَهُ يُصَلُّونَ عَلَى النَّبِيِّ يَا أَيُّهَا
الَّذِينَ آمَنُوا صَلُّوا عَلَيْهِ وَسَلِّمُوا تَسْلِيمًا ﴿٥٦﴾

“Sesungguhnya Allah dan malaikatNya berselawat (memberi segala penghormatan dan kebaikan) kepada Nabi (Muhammad s.a.w); wahai orang-orang yang beriman berselawatlah kamu kepadanya serta ucapkanlah salam sejahtera dengan penghormatan yang sepenuhnya.” [Al-Ahzab, 33 : 56]

اللَّهُمَّ صَلِّ عَلَى مُحَمَّدٍ وَعَلَى آلِ مُحَمَّدٍ كَمَا صَلَّيْتَ عَلَى إِبْرَاهِيمَ
وَعَلَى آلِ إِبْرَاهِيمَ إِنَّكَ حَمِيدٌ مَجِيدٌ. اللَّهُمَّ بَارِكْ عَلَى مُحَمَّدٍ وَعَلَى
آلِ مُحَمَّدٍ كَمَا بَارَكْتَ عَلَى إِبْرَاهِيمَ وَآلِ إِبْرَاهِيمَ إِنَّكَ حَمِيدٌ مَجِيدٌ

Ya Allah! Selawatlah ke atas Muhammad dan keluarga Muhammad, sebagaimana Engkau telah selawat ke atas Ibrahim dan keluarga Ibrahim, sesungguhnya Engkau Amat Tepuji lagi Amat Mulia. Berkatilah ke atas Muhammad dan keluarga Muhammad, sebagaimana Engkau telah berkati ke atas Ibrahim dan keluarga Ibrahim, sesungguhnya Engkau Amat Tepuji lagi Amat Mulia.

اللَّهُمَّ اغْفِرْ لِلْمُسْلِمِينَ وَالْمُسْلِمَاتِ وَالْمُؤْمِنِينَ وَالْمُؤْمِنَاتِ
الْأَحْيَاءِ مِنْهُمْ وَالْأَمْوَاتِ بِرَحْمَتِكَ يَا أَرْحَمَ الرَّحِيمِينَ

Ya Allah! Ampunkanlah untuk lelaki Islam dan wanita Islam, lelaki beriman dan wanita beriman, yang hidup di kalangan mereka dan yang telah mati, dengan rahmat-Mu, wahai Yang Paling Penyayang di antara yang menyayangi!

اللَّهُمَّ انصُرِ الْإِسْلَامَ وَالْمُسْلِمِينَ وَدَمِّرْ أَعْدَاءَ الدِّينِ
وَانصُرْ مَنْ نَصَرَ الدِّينَ

Ya Allah! Bantulah Islam dan Muslimin! Hancurkanlah musuh-musuh-Mu; musuh-musuh Agama! Bantulah sesiapa yang membantu Agama ini!

رَبَّنَا آتِنَا فِي الدُّنْيَا حَسَنَةً وَفِي الْآخِرَةِ حَسَنَةً وَقِنَا
عَذَابَ النَّارِ

Wahai Tuhan kami! Datangkanlah kepada kami kebaikan di Dunia dan kebaikan di Akhirat dan peliharalah kami dari azab Neraka!

Sidang hadirin yang dimuliakan oleh Allah!

﴿ إِنَّ اللَّهَ يَأْمُرُ بِالْعَدْلِ وَالْإِحْسَانِ وَإِيتَايَ ذِي الْقُرْبَىٰ وَيَنْهَىٰ عَنِ الْفَحْشَاءِ وَالْمُنْكَرِ وَالْبَغْيِ يَعِظُكُمْ لَعَلَّكُمْ تَذَكَّرُونَ ﴾

“Sesungguhnya Allah menyuruh berlaku adil, dan berbuat kebaikan, serta memberi bantuan kepada kaum kerabat; dan melarang daripada melakukan perbuatan-perbuatan yang keji dan mungkar serta kezaliman. Ia mengajar kamu (dengan suruhan dan laranganNya ini), supaya kamu mengambil peringatan mematuhiNya.” [An-Nahl, 16 : 90]

فَاذْكُرُوا اللَّهَ الْعَظِيمَ يَذْكُرْكُمْ وَاشْكُرُوا لَهُ عَلَىٰ عَمُومٍ نِعْمِهِ يَزِدْكُمْ وَاسْأَلُوهُ مِنْ فَضْلِهِ يُعْطِيكُمْ
وَلَذِكْرُ اللَّهِ أَكْبَرُ وَاللَّهُ يَعْلَمُ مَا تَصْنَعُونَ

Maka, ingatlah akan Allah Yang Maha Agung, Dia akan mengingati kalian. Bersyukurlah kepada-Nya di atas segala nikmat-nikmat-Nya, Dia akan tambahkan kalian. Mohonlah kepada-Nya daripada kelebihan-Nya, Dia akan berikan kalian. Benar-benar mengingati Allah itulah yang terbesar, dan Allah mengetahui apa yang kalian kerjakan.

وَالسَّلَامُ عَلَيْكُمْ وَرَحْمَةُ اللَّهِ وَبَرَكَاتُهُ

